



REPUBULIKA Y'U RWANDA MINISITERI Y'UBUZIMA

Amakuru Mashya kuri Koronavirusi COVID-19 — 17 Werurwe 2020

Uyu muni hagaragaye undi muntu umwe (1) urwaye Koronavirusi, ibi bikaba byatumye umubare w'abarwaye Koronavirusi mu Rwanda ugera ku munani (8).

- Umugabo w'Umurundi w'imyaka 35 wageze mu Rwanda aturutse Dubai yerekeza i Bujumbura. Yapimwe n'abaganga ku kibuga cy'indege cya Kigali asanganwa ibimenyetso bya Koronavirusi.

Abo barwayi bose barimo kuvurirwa ahantu habugenewe. Hanashakishijwe abantu bose bahuye nabo kugira ngo nabo basuzumwe ndetse bitabweho n'inzego z'ubuzima.

Abaturarwanda bose barasabwa gukomeza kwitwararika, bakurikiza amabwiriza y'inzego z'ubuzima hibandwa cyane cyane ku **gukaraba intoki, kwirinda kujya ahantu hateraniye abantu benshi no kwirinda ingendo zitari ngombwa**. Tuributsa kandi ko udupfukamunwa tudatuma umuntu atandura Koronavirusi, tukaba ari utwo gukoreshwa gusa n'abari kwita ku barwayi.

Igihe cy'ibyumweru bibiri (2) cy'ifungwa ry'amashuri n'insengero gishobora kwongerwa ndetse kigashyirwa no ku zindi nzego bitewe n'uko icyorezo kigenda gifata intera.

Ibimenyetso by'ingenzi bya Koronavirusi ni inkorora, guhumeka bigoranye n'umuriro. Umuntu wese ugaragaza ibi bimenyetso asabwe kwihutira guhamagara umurongo utishyurwa 114 cyangwa akitabaza umujyanama w'ubuzima umwegereye.



MINISITERI Y'UBUZIMA

www.moh.gov.rw